



MULTICONSULT NORGE AS
Nedre Skøyen vei 2
0276 OSLO

Saksbehandlar, innvalstelefon
Kristin Eide, 71 25 84 33

Aukra kommune

Endring av detaljreguleringsplan Nyhamna - Ormen Lange Fase 3 Fråsegn til melding om oppstart

Fylkesmannen er statens representant i fylket og har fleire roller og oppgåver innan planlegging etter plan- og bygningslova. Ei viktig oppgåve for Fylkesmannen i kommunale planprosessar er å sjå til at nasjonale og viktige regionale omsyn blir ivaretatt i planarbeidet. Fagområde som miljøvern, landbruk, helse, oppvekst og samfunnstryggleik står sentralt. I tillegg skal Fylkesmannen sikre at kommunale vedtak i plan- og byggesaker er i samsvar med gjeldande lovverk.

Bakgrunn

Multiconsult Norge har sendt oss melding om oppstart av reguleringsplanarbeid for å endre gjeldande reguleringsplan for Nyhamna slik at plana legger til rette for realisering av fase 3.

Fase 3 i Ormen Lange-utbygginga gjeld våtgasskompresjon for å auke framtidig utvinningsgrad. Anlegget består av kompresjonsstasjonar på havbotn, landanlegg på Nyhamna med kabeltrase på land og i sjø. I gjeldande plan er aktuelt arealet satt av til «Særlege landskapsomsyn».

Natur og miljøvern

Av vedlagt referat frå oppstartsmøte ser vi at landskap, friluftsliv og naturverdiar vil bli tatt omsyn til i vidare planarbeid.

Samfunnstryggleik og beredskap

Kravet om ROS-analyse slår inn ved endring i planer. Planmynde har eit sjølvstendig ansvar for å kartlegge risiko i planområdet og gjere naudsynte tiltak, uavhengig om Fylkesmannen har merknad til planen eller ikkje. Vi viser her til pbl. § 4-3: «Ved utarbeidelse av planer for utbygging skal planmyndigheten påse at risiko- og sårbarhetsanalyse gjennomføres for planområdet, eller selv foreta slik analyse. Analysen skal vise alle risiko- og sårbarhetsforhold som har betydning for om arealet er egnet til utbyggingsformål, og eventuelle endringer i slike forhold som følge av planlagt utbygging.»

Som påpeika i saksdokumenta ligg delar av planområdet innanfor område med stor moglegheit for marin leire i følgje NGU sine kart for lausmassar. Det må greiast ut om det er tilstrekkeleg tryggleik mot fare eller vesentleg ulempe som følgje av natur- eller miljøforhold, jf. byggeteknisk forskrift (TEK17) § 7-3. Vi viser elles til NVE sin rettleiar «Sikkerhet mot kvikkleireskred».

Ifølgje plankart for gjeldande reguleringsplan ligg deler av tiltaket (Ormen Lange Fase 3) innanfor faresone for brann- og eksplosjonsfare knytt til storulukkesverksemd. Som ein del av ROS-analysen må ein vurdere om det nye tiltaket vil endre storulukkesrisikoen til verksemda, og om tiltaket vil medføre endring i risiko for omkringliggande areal. Vi viser til "*Veileder om sikkerheten rundt storulykkevirkksomheter*" (DSB, 2016). Rettleiaren oppmodar mellom anna kommunen til å ha ein dialog med DSB ved nye tiltak eller endringar i storulukkesverksemd. DSB kan vurdere om tiltaket vil krevje samtykke.

Når det gjeld behov for KU saknar vi ei betre grunngjeving for kvifor ein vel å ikkje gjere dette.

Konklusjon

Fylkesmannen viser til sine merknader og ber om at dei blir tatt omsyn til i vidare arbeid.

Med helsing

Jon Ivar Eikeland (e.f.)
fagsjef - plansamordning

Kristin Eide
senioringeniør

Dokumentet er elektronisk godkjent.

Saksbehandlar:
Samfunnstryggleik: Jon Erik Eik, tlf. 71 25 84 89

Kopi:
Møre og Romsdal fylkeskommune, pb. 2501, 6404 Molde
Statens vegvesen, pb. 4182 Dep., 0033 Oslo
Kystverket Midt-Norge, pb. 1502, 6025 Ålesund



Møre og Romsdal
fylkeskommune

Multiconsult

Dykkar ref:	Dykkar dato:	Vår ref:	Vår saksbehandlar:	Vår dato:
10204769-06-BREV-PLAN	16.12.2019	6084/2020/REGULERINGSPLAN/1547	Anders Smith-Øvland, 71 28 02 41	04.02.2020

Aukra kommune - detaljregulering - reguleringsendring - Nyhamna – Ormen Lange Fase 3 – fråsegn til varsel om oppstart

Møre og Romsdal fylkeskommune har ut frå sine ansvarsområde følgjande merknader:


Planfagleg vurdering

Innleiing

Saka gjeld etablering av etablering av strøm og styringssystem utanfor areal som i dag er avsett til industriformål i gjeldande reguleringsplan for Nyhamna. Det er frå før blitt gjennomført ein førebauande runde i forkant av planarbeidet, kor vi har gitt forhandsuttale til eventuelt tiltak/planarbeidet.

Tidleg medverknad

I vår uttale, datert 01.10.2019, påpeika vi at fylkeskommunen har vore aktiv i utviklinga av Gassanlegget på Nyhamna, som er i dag står fram som eit eksemplarisk døme på korleis eit større industrianlegg kan bli tilpassa landskapet, med plasseringa mellom landskapsdraga. Gjeldande reguleringsplan støtter opp under denne landskapstilpassa plasseringa.



Nyhamna sett frå aust (Google Maps). Viktige landskapstrekk markert med kvit stipla linje.

Vi påpeika at ei vidare utvikling av industrianlegget i minst mogleg grad øydelegg det ein har oppnådd av landskapstilpassing. Eit eventuelt strøms- og styringssystem bør derfor først og fremst bli plassert innanfor areal som allereie er avklart til industriformål. I tillegg til landskap og friluftsinnteresser har arkeologi nærare undersøkt.

Vurdering av planforslagets verknader

Sjølv om kommunen har vurdert at det ikkje vil føreligge krav om ei formell konsekvensutgreiing, så må planforslagets verknader synleggjerast i planomtalen. Vi vil her særskilt påpeike våre ansvarsområder for landskap, friluftsliv og kulturminne og ber om at verknadene for desse vert vurdert fortløpande gjennom planarbeidet. Vurdering av verknader er ikkje berre stadfesting av status i planomtalen for planarbeidet, men skal lik hensikta med ei konsekvensutgreiing fungere som eit dynamisk formgivingsverktøy gjennom heile planprosessen. Dersom verknader vil være unødvendig store må avbøtande tiltak vurderast og planforslaget bli endra.

Bærekraft

I plansamanheng har industrianlegget eit avgrensa tidsperspektiv, lik den gamle kvalstasjonen vil Ormen Lange ikkje være evig, og bør etterlate seg området i ein slik stand at dette har verdi for ettertida. Vi rår derfor til at ein gjennom planlegginga legg opp til å plassere dei ulike tiltaka på ein slik måte at ein i størst mogleg grad unngår varige inngrep i landskapet.

Landskaps og friluftsinnteresser

Tiltak som no blir planlagt utanfor areal avsett til industriformål i gjeldande reguleringsplan, bør unngå inngrep i landskapsryggene. Vi rår til at ein i størst mogleg grad utnyttar flate areal i mellom fjellformasjonane og slikt sett unngår unødvendig varige inngrep. Plasseringa av sjølve tiltaka bør ta omsyn til at allmenta skal kunne ha egna tilkomst til friluftsområda på landskapsryggene og langs strandsona.

Risiko- og sårbarheitsanalyse

Ved utarbeiding av ei risiko- og sårbarheitsanalyse ber vi om at våre ansvarsområder som landskap, friluftsliv og kulturminne, blir kartlagt. Både landskap, objekt og bruk opp gjennom tida. Eventuelle funn må bli vurdert som formgivande faktorar for planlegginga, både for å sikre våre interesser og eventuelt finne avbøtande tiltak dersom desse vert skada. Ein bør i størst mogleg grad arbeide for at landskap og kulturminne blir sikra for ettertida.

Automatisk freda kulturminne

Det blei i løpet av 2019 gjennomført arkeologiske undersøkingar i det aktuelle området, der det blei påvist og avgrensa to kulturminner (ID 98430, 263690). Eit tidlegare registrert kulturminne, med usikker kartfesting, blei ikkje funne att (ID 92143). Sjå også vedlagte rapport (vedlegg 1)

Registreringsområdet som vi har forholdt oss til er litt mindre enn det varsla planområdet, noko som inneber at vi ved regulering av heile området vil måtte gjere ei tilleggsregistrering for å kunne oppfylle registreringsplikta etter kulturminnelova § 9. Her ligg det frå før eit kjent kulturminne (ID 98450) som ikkje vart omfatta av registreringa i 2019, og det kan vere potensial for fleire. ID 163690 er også forventa å vere ein større lokalitet som strekk seg inn i det utvida området.

Alternativt må ein legge desse tilleggsareala in som LNFR, enten med underformål vern av kulturminne eller med omsynssone for kulturmiljø (H570), eller eventuelt trekkje dei heilt ut av planen. Vi har i ettertid motteke ei kart som viser faktisk utbyggingsråde,

som viser at ei lita utviding mot vest. Vi vil ikkje stille krav om vidare registrering dersom utvidinga berre gjeld dette mindre området.

Vi har i vår forvaltning av området Nyhamna, heilt sidan dei første reguleringsplanane blei utarbeida, lagt stor vekt på å bevare ryggen på søraustsida av Ormen Lange-anlegget, både fordi dette har fleire rike kulturminner, og fordi det skjermar innsynet til anlegget frå aust og søraust. Både dei bevarte steinalderbuplassane og utkikksposten på Ørnehaugen ligg inne i Regional delplan for kulturminner. I oppstartsmeldinga heiter det at kabeltraséen vil bli lagt i LNFR-område, og at dette inngrepet ikkje skal vere synleg. Massedeponia og det større vil bli liggande lengst mot nord og nordvest, delvis skjerma av knausar, men det er ut frå skissene lagt opp til ein ny veg og eit nybygg nærmare fjorden. Som del av planarbeidet ber vi om at det vert utarbeidd tredimensjonale skisser som viser korleis innsynet til området blir frå fjorden i søraust.

Vi føreset at ID 263690 (og eventuelt ID 98450), inkludert sikringssonene på 5 meter, vert regulert til vern (H730) og ber også om at de ser på mulegheitene for å unngå konflikt med den registrerte steinalderbuplassen nede ved sjøen (ID 98430). Dersom dette ikkje let seg gjere må området merkast av som eit RpBo-område (område for føresegn), med tilhørande føresegn. Dette vert å rekne som ein søknad om løyve til inngrep som vi vil vurdere ved offentleg ettersyn. Vi gjer merksam på at det kan bli stilt vilkår om arkeologisk utgraving, og det er heller ikkje gitt at det vil bli gitt slik dispensasjon. Det er derfor viktig at ein ser på alternative løysingar og justeringar.

Som nemnt ønskjer vi også at ein del av omgjevnadane til desse kulturminna vert regulert til vern. Det går også ein tursti gjennom området, og det er oppført informasjonsskilt langs denne. Eit av skilta står i det utvida tilleggsområdet. Dersom ein planlegg inngrep i turstien ber vi om at ein legg til rette for alternativ tilkomst til kulturmiljøet utover mot Ørnehaugen. Dette må også innebære eventuell flytting av skilt. Det er viktig at turstien går i eit område der ein opplever mest mogleg urørt natur.

Landskap og friluftsliv


Planområdet som no er føreslått grip inn i tre ulike registreringar for friluftsliv. Dette gjeld midtre Steghaugen som er ein del av eit større landskapsdrag (nordre del av planområdet), strandlinja i sør-aust (planområdet langs sjø) og Korshammaren, ein fjellformasjonar i sør (sørlege del av planområdet).



Midtre steghaugen og landskapsdraget nordover (tv), Strandsona i aust (midten) og området rundt Korsberga (th).



Miljøverndata for 154707900 Kongsholmen-Eikrem i AUKRA
 Stangfiskeplassar i sjø. Kilde: Aukra JFF. Friluftsområde – Bruksverdi Lokal.




Miljøverndata for 154706400 Nyhamnområdet i AUKRA
 Strandområde på nordaustsida av øya med god tilkomst og der det ligg godt til rette for bading, fiske og småturar. Ved Kvalstasjonen (Nyhamna) er det ein mykje nytta badeplass med sandstrand. Selnesbukta, like sør for småbåthamna, er også ein viktig badeplass. God fiskeplass heilt i nord på Selneset. Friluftsområde – bruksverdi Lokal.



Miljøverndata for 154706300 Korsberget i AUKRA

Lynghei og bart fjell nytta som nærtuområde og der sjølve Korsberget er eit viktig utkikkspunkt. Friluftsområde - bruksverdi Lokal.



Skisse over viktige landskapsdrag i friluftssamanheng, Midtre Steghaugen, Korsberget og strandsona, i tillegg tilkomsten til desse områda (sti). Illustrasjon – Møre og Romsdal fylkeskommunen 30.01.2020.

KONKLUSJON

Vi viser til saksutgreiinga ovanfor og ber om at våre innspel blir vurdert i det vidare planarbeidet.

Med helsing

Johnny Loen
plansamordnar

Anders Smith-Øvland
overarkitekt

Brevet er elektronisk godkjent og vil ikkje bli sendt i papir

Fagsaksbehandlar

Automatisk freda kulturminne: Arkeolog Kristoffer Dahle, tlf. 71 28 03 29

Kopi:

Aukra kommune

Statens vegvesen, Region midt

Fylkesmannen i Møre og Romsdal

Kystverket



KYSTVERKET

Midt-Norge

MULTICONCONSULT NORGE AS
Nedre Skøyen vei 2
0276 OSLO

Dykkar ref.:

Vår ref.:
2019/4524-2

Arkiv nr.:

Sakshandsamar:
Børre Tennfjord

Dato:
21.01.2020

Uttale til varsel om oppstart av planarbeid for endring av reguleringsplan for Nyhavna i Aukra kommune - Møre og Romsdal fylke.

Kystverket har den 4. desember 2019, teke mot varsel om oppstart av reguleringsendring for Nyhavna i Aukra kommune.

Planendringa er varsla i medhald av plan- og bygningslova (PBL) sine §§12-8 og 12-14 og er innretta mot endring av reguleringsplanen «Nyhamna» med plan-ID 201604, vedtatt 09.10.2018.

Formålet med planarbeidet er å legge til rette for realisering av Ormen Lange Fase 3, ved å sette av et tilstrekkelig areal til gjennomføring av prosjektet. Endringane kjem som følgje av eit ønske om å auke framtidig gassutvinning frå Ormen Lange-feltet. I samband med dette er det naudsynt å endre gjeldande reguleringsplan slik at det vert sikra tilstrekkeleg areal til etablering av eit landanlegg, ein kabeltrasé fram til sjøen, samt tilhøyrande tekniske anlegg. Det skal samstundes settast av eit område til deponering av reine overskots-massar.

Noko av kabeltraséen vil verte liggjande på areal avsett til landbruks-, natur- og friluftsmål samt reindrift, i kommuneplanen sin arealdel, men etter etableringa skal leidninga dekkjast til, slik at den ikkje vert synleg i landskapsbiletet. Tiltaket vil soleis ikkje vere til hinder for fri ferdsel over området. Planen sin endelege avgrensing vil verte avklara som ein del av planarbeidet.

Kommunen har vurdert planforslaget opp mot forskrift om konsekvensutgreiing §6, vedlegg 1, § 7, vedlegg 2, samt §§ 8 og 10, men har ikkje funne at dei nye tiltaka som er føreslege innanfor planområdet er av eit slikt omfang at det løyser ut krav om konsekvensutgreiing. Sakshandsamar vurderer heller ikkje at planforslaget avviker vesentleg frå kommuneplanen sin arealdel. Jf. referat frå oppstartmøte den 22. august 2019.

Tiltakshavar er A/S Norske Shell

Planrådgjevar er Multiconsult AS

Frist for merknadar og innspel er 3. februar 2020.

Regionkontor Midt-Norge

Sentral postadresse: Kystverket
Postboks 1502
6025 ÅLESUND

Telefon: +47 07847

Internett: www.kystverket.no
E-post: post@kystverket.no

For besøksadresse se www.kystverket.no

Bankgiro: 7694 05 06766

Org.nr.: NO 874 783 242

Vi ber om at brev, sakskorrespondanse og e-post vert adressert til Kystverket, ikkje til avdeling eller enkeltperson

Våre innspel og kommentarar

Kystverket si sak er fyrst og fremst kopla til sjøareal i planer og dei sjønære areala som kan seiast å ha ein viss verknad på ferdselstilhøva. Våre generelle og særlege kommentarar til planarbeid, er knytt til slike moment.

Vi ser av varselet og skissert planområde, at dette har ein viss verknad på statlege anlegg med installasjonar og er generelt sett i ein binding til Kystverket sitt generelle forvaltingsansvar.

Våre kommentarar og faglege råd til planvarselet, er ein følgje av desse momenta.

Oppstartmeldinga

Vi har gått gjennom oppstartsmeldingen for reguleringsprosessen som er lokalisert til deler av eigedomane gnr.9, bnr.26, gnr.11, bnr.10 og gnr.11, bnr.26 frå Midtre Steghaugen til Grynnavika i Aukra kommune. Sjølvse varselet er kunngjort i samsvar med plan og bygningslova sin §12-8 og er ein kortfatta omtale av planområdet sin avgrensing og status, føremålet med planarbeidet, samt kven som er aktørar og korleis planmedverknaden er tenkt gjennomført. Til oppstartsmeldingen ligg det og føre ei utgreiing og tematiske vurderingar om kva som er tankane bak den vidare planprosessen.

Varsalet med vedlegg står fram som eit både velformulert og presist oppsett og er dekkjer dei krava ein ser på som eit godt oppstartsdokument i prosessen. Det dekkjer dei forventingane ein har til eit kommunisert planinitiativ og planlagt gjennomføring.

Vi legg til grunn at planen er drøfta opp mot Forskrift om konsekvensutredninger (F21.06.2017 nr 854) vedlegg 1, punkt 14 (utvinning av olje og naturgass) og punkt 20 (kraftleidningar) og at det vert stadfesta at planendringa fører med seg eit krav om konsekvensutgreiing etter denne. Konsekvensutgreiinga skal handsamast etter eigne reglar i samsvar med petroleumslova.

Utover dei utgreidde og framlagde hovudprioriteringane, ligg det føre nokre illustrerte detaljer med tilhøyrande planskisser og kommentarar. Det er også skrive ein omtale av, og siktemål med komande arealutvikling av området. Dette vert oppfatta å vere tilfredsstillande i ein oppstartfase.

Generelle nasjonale bindingar

Reguleringa må innrette seg til grenseflate mot sjø i Statlige planretningslinjer for differensiert forvaltning av strandsonen langs sjøen (F25.03.2011 nr 335). Reguleringa er bunden til å følgje kommuneplanen sin arealdel for det som gjelder hovudformål, både det som gjeld landarealet, men også det som vedkjem sjøarealet og bindingar i gjeldande vedtekter.

Lov om havner og farvann

Kystverket ønskjer å informere om ny og vedteken Lov om havner og farvann frå 01.01.2020. Lova fører med seg ei viss endring i kommunen sitt forvaltingsansvar og mynde innanfor eigne sjøområder, jf. §§5, 6, 8 og 9 i ny lov.

Vi gjer og merksam på at tiltak og etableringar i eller i nærleiken av sjø, krev eigne løyver etter havne- og farvannsloven sin §14. Leidningstraséar, sjøetableringar og utdjuping/utfylling i sjø er eksempel på tiltak som krev løyve etter havne- og farvannslova.

Plan- og bygningsloven

Generelt ber ein om at det vert teke omsyn til trygge og farbare sjøareal og syner til plan- og bygningsloven sin §11.7 pkt.6 og §11.11 pkt.3 og 6, som handlar om føresetnadar for arealformål i sjø. Kystverket er i all hovudsak interessert i sikker framkome på sjøen, samt det å ivareta intensjonen med staten sine langsikta investeringar i sjøområdet.

Eventuelle planføremaal på tvers av Kystverket sine forvaltingsinteresser på dette området, vil kunne føre til motsegn.

Planverktøy

Kystverket vil foreslå at ein nyttar KystInfo, Kystverket sin eige planleggingsverktøy og kartteneste, som er å finne på www.kystverket.no. Her er det sjøkart med aktuell informasjon, samt oppdaterte og sjørelaterte opplysingar.

Informasjonen på sjøkarta vil kunne vere ein tilvekst til planarbeidet og informerar om viktige element for ferdsel på sjøen, som t.d. navigasjonsinstallasjonar (lykte, blinkar, merke, bøye, stakar), farleier, moloar, ankringsområder, sjøkablar, sjøleidningar m.m.

Det er etter det vi ser av varselet, berre mindre sjø- og strandsoneareal som vert foreslått regulert. Verdien av KystInfo og ekstraherte data vil difor måtte settast inn i ein samanheng og aktualiserast proporsjonalt.

Risiko og sårbarhet

I planarbeidet må ein sjå om det er behov for vurderingar ikring samfunnssikring og forureiningsfare knytt til ulukker/uhell i dei tilstøytande sjøområda og kva dei påreknelege konsekvensane vil vere for næringsinteresser, samfunn og natur.

Ein må syne kva ein endra arealbruk vil ha og seie for omgjevnadene, men og på kva for måte omgjevnadane vil virke på arealbruken i planområdet. Vi ser for oss ein risikovurdering i tilknytning til framtidig stormflo kombinert med ekstrem sjøgang og korleis desse momenta vil virke på nyetableringar og omgjevnadane innanfor planområdet. Det bør settast opp kriterier og krav i planen sine nye føresegner, slik at naturpåverknadar ikkje vert eit kritisk moment i anlegga si levetid.

Vi ber om at kommentarane vert teke med i det vidare arbeidet så langt det er relevant for planlegginga og at avklaringar i høve planmessige manglar vert gjennomført.

Utover dette har vi ikkje andre innspel eller kommentarar til varsla reguleringsstart.

Med helsing

Harald Tronstad
regiondirektør

Børre Tennfjord
sjefingeniør

Dokumentet er elektronisk godkjent

Eksterne kopimottakere:

Aukra kommune	Aukraringen 25	6480	AUKRA
Fylkesmannen i Møre og Romsdal	Postboks 2520	6404	MOLDE
Møre og Romsdal fylkeskommune	Postboks 2500	6404	MOLDE
Fiskeridirektoratet Region Midt	Postboks 185 Sentrum	5804	BERGEN
Norges vassdrags- og energidirektorat Region Midt-Norge	Postboks 5091, Majorstuen	0301	OSLO
Statens vegvesen Region Midt	Fylkeshuset	6404	MOLDE



Statens vegvesen

MULTICONSULT ASA
Postboks 265 Skøyen
0213 OSLO

Behandlende enhet:
Transport og samfunn

Saksbehandler/telefon:
Vidar Neraas / 91825092

Vår referanse:
20/3976-3

Deres referanse:

Vår dato:
14.01.2020

Uttale til varsel om oppstart med planprogram for endring av reguleringsplan – Nyhamna – Ormen Lange Fase 3 – Aukra kommune

Statens vegvesen viser til deres brev datert 16.12.2019.

Statens vegvesen har ansvar for å sørge for at føringer i Nasjonal transportplan (NTP), Statlige planretningslinjer for samordnet bolig-, areal- og transportplanlegging, vegnormalene og andre nasjonale og regionale arealpolitiske føringer blir ivarettatt i planleggingen. Vi uttaler oss som statlig fagmyndighet med sektoransvar innenfor vegtransport.

Saken gjelder

Formålet med planarbeidet er å endre gjeldende reguleringsplan slik at fase 3 av anlegget på Nyhavna kan realiseres.

Statens vegvesen har følgende innspill til planarbeidet

Statens vegvesen har ingen merknader til at det startes planarbeid i samsvar med oppstartsvarslet.

De trafikale konsekvensene i både anleggsfasen og driftsfasen må vurderes. Eventuelle tiltak må diskuteres nærmere med de respektive vegmyndighetene. Vurderingene må gå fram av plandokumentene i eget kapittel.

Transportforvaltning midt
Med hilsen

Lisbeth Smørholm

Postadresse
Statens vegvesen
Transport og samfunn
Postboks 1010 Nordre Ål
2605 LILLEHAMMER

Telefon: 22 07 30 00
firmapost@vegvesen.no
Org.nr: 971032081

Kontoradresse
Bjørnstjerne Bjørnsons veg 6
6412 MOLDE

Fakturaadresse
Statens vegvesen
Regnskap
Postboks 702
9815 Vadsø

seksjonsleder

Vidar Neraas
overingeniør

Dokumentet er godkjent elektronisk og har derfor ingen håndskrevne signaturer.

Kopi

AUKRA KOMMUNE, Kommunehuset Nyjordvegen 12, 6480 AUKRA
FYLKESMANNEN I MØRE OG ROMSDAL, Postboks 2520, 6404 MOLDE
MØRE OG ROMSDAL FYLKESKOMMUNE, Postboks 2500, 6404 MOLDE